



Pele Broberg
Inatsisartunut ilaasortaq, Naleraq
inatsisartut@inatsisartut.gl

Kalaallit Nunaannut, Kalaallit Nunaannit aammalu Kalaallit Nunaanni imaatigut assartuussinissamut Royal Arctic Line A/S-ip kisermaassisussaataitanerata atorunnaarsinneqarnissaa pillugu § 37 naapertorlugu apeqquteqaammut 2026-130-mut akissut

Ulloq: 05-08-2026
Suliap nr.: 2026 - 13728
AKT. ID.: 82039322

Asasara Pele Broberg

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Inatsisartut suleriaasianni § 37 naapertorlugu Kalaallit Nunaannut, Kalaallit Nunaannit aammalu Kalaallit Nunaanni imaatigut assartuussinissamut Royal Arctic Line A/S-ip kisermaassisussaataitanerata atorunnaarsinneqarnissaa pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutit/it matuma kinguliani ataasiakkaarlugit allanneqarput, akissummillu malitseqarlutik.

Apeqqut 1: Royal Arctic Linep kisermaassisinnaatitaanerata atorunnaarsinneqarnerani inatsisiliornermut, unammilleqatigiinnermut ilusiliinnermut, kiffartuussinissamik isumaqatigiissutinut, ikaarsaariarnermut aaqquissuussinermut kiisalu aningaasaqarnikkut ammasuunissamik piumasaqaatinut atatillugu Naalakkersuisut namminneq allaffissornikkut isumalluutitik qanoq annertutigisunik atuinissartik naatsorsuutigaat, AC-årsværkinngorlugu koruuninngorlugulu naatsorsorneqartunik?

Akissut: Ingerlatsinissamut isumaqatigiissut naapertorlugu Royal Arctic Line A/S-ip kisermaassisussaataitanera Naalakkersuisunit imaluunniit Royal Arctic Line A/S-imi decembarip qaammataani ukiunik marlunnik ilimasaarinertalimmik nalunaaruteqarnermi atorunnaarsinneqarsinnaavoq. Royal Arctic Line-p kisermaassisussaataitanerata atorunnaarsinneqarnerani aningaasartuutissat Naalakkersuisut naliliiffigisimanngilaat.

Apeqqut 2: Avataaneersunit inatsisilerinnermut, aningaasaqarnermut kiisalu neqeroortitsisarnermi teknikkikkut siunnersorneqarnermut aningaasartuutit qanoq annertutigissasut naatsorsuutigineqarpat, missiliummullu tunngaviusut imaluunniit suliat assersuunneqarsinnaasut suuppat?

Akissut: Inussiarnersumik apeqqutip 1-ip ilaanut akissut takuuk.

Apeqquut 3: Kisermaassisinnaatitaanerup iluani angallassinernit iluanaarutit atorlugit angallassinernit imminut akilersinnaanngitsut matussuserneqartarnerannit pisortat kiffartuussinissamik isumaqatigiissutaannut ikaarsaarnermi nunatta karsianut kingunerisassat suut naatsorsuutigineqarpat? Eqqortumik missiliisoqarsinnaanngippat, Naalakkersuisut annertussutsit minnerpaaffiat annerpaaffialu kiisalu nalorninartut pingaarnerit saqqummiuteqquneqarput.

Akissut: Ingerlatsinissamut akuersissutip tamakkiisuutillugu atorunnaarsinneqarnerani nunap karsianut sunniutaasussanut missiliukkanik Naalakkersuisut naatsorsuisimanngillat – eqqortumik imaluunniit akuttussusilittut.

Royal Arctic Lines A/S-imut ingerlatsinissamut akuersissutip atorunnaarsinneqarnissaa pillugu misissuineq Naalakkersuisut 2024-mi oktobarimi saqqummersippaat. Misissuineq uani Kanat.gl pissarsiarineqarsinnaavoq. Misissuineri kisermaassisussaataalluni ingerlatsinissamut akuersissutip atorunnaarsinneqarnissaanut tunngatillugu nassuiarneqarpoq, *"Tapiissutiniq nussuisoqarsinnaassanngilaq, taamaalillunilu nuna akimorlugu assartuineri assigiimmik akeqartitsineq attatiinnarneqarsinnaassanani. Taamaalilluni assartuineri akulikissuseq attatiinnarneqaruni, nunaqarfinnut assartuineri akisunerulissangatinneqarpoq. Massakkut 60 mio. DKK-inik tapiissuteqartarnermit, amerlanerujussuarnik tapiissuteqartalersinnaanermik kinguneqarsinnaavoq."*

Tamatuma saniatigut misissuineri tikkuarneqarpoq nunami namminerimi umiarsualivinni attaveqaasersuutit Royal Arctic Line A/S-ip ingerlatsineranut naleqqussagaasut. Tamatuma saniatigut umiarsuaatillit ikittuinnaat Royal Arctic Line A/S-ip suliaannik isumaginnissinnaasunik, immikkut ilisimasaqarfiusunik, umiarsuaateqarput. Taamaattumik Royal Arctic Line A/S-imut taartaasinnaasumut ingerlatsinissamut aningaasartuutissat annertuumik nalorninartortaqarput.

Apeqquut 4: Naalakkersuisut nalilerpaat inatsisissatut siunnersuutit pisariaqartinneqartut pivusorsiortumik UKA2027-mi saqqummiunneqarsinnaasut? Taamaanngippat, ataatsimiinneq siullerpaaq pivusorsiortumik anguneqarsinnaasoq kiisalu piareersarnermi alloriarnerit pingaarnerit ilisimatitsissutigineqassapput.


Akissut: Royal Arctic Line A/S-imut imaatigut assartuussinermut kisermaassisussaataitaalluni ingerlatsinissamut akuersissut inatsimmik allanngortitsinani atorunnaarsinneqarsinnaavoq. Inatsisartut tamanna kissaatigippassuk, Naalakkersuisut Royal Arctic Line A/S-imut ingerlatsinissamut akuersissut 2026-mi decembarimi atorunnaarsinnaavaat, taamaalilluni atorunnaarsitsineq 2028-mi decembarimi atuuttussanngussalluni.

Ingerlatsinissamut akuersissutip atorunnaarsinneqarnissaa pillugu aalajangiisoqannginnerni nutaamik nunami namminerimi usinik assartueriaatsimut pilersaaruteqartariaqarpoq, taamaalilluni nunatsinni sumiiffiit tamarmik usinik assartuussivigineqarnissamik qulakkeerneqarlutik.

Royal Arctic Line A/S atornagu nunami namminermi usinik assartuussineq qanoq ingerlanneqarsinnaanersoq, maannakkorpiaq pilersaaruteqanngilaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Iddimangiiu Jensen Bianco